



SAOPĆENJE ZA JAVNOST

Presuda zbog porezne utaje i podnošenja lažnih poreskih prijava

(Brčko, 05.05.2026. godine)

Osnovni sud Brčko distrikta BiH nepravosnažno je osudio Vehida Hamustafića i Melisa Hamustafića iz Lukavca, Erdina Plavšića iz Tuzle i pravno lice „KÖNIG“ d.o.o. Brčko distrikta BiH zbog izvršenja više krivičnih djela „Udruživanja radi počinjenja krivičnih djela“, „Porezne utaje“ i „Podnošenja lažne poreske prijave“, te od ovog prvog lica oduzeo imovinsku korist pribavljenu krivičnim djelom u iznosu od 137.779,42 KM.

Prvooptuženi Vehid Hamustafić (49)* iz Lukavca osuđen je na jedinstvenu kaznu zatvora u trajanju od 1 (jedne) godine i jedinstvenu novčanu kaznu u iznosu od 15.000,00 KM, koju je dužan platiti u roku od 30 dana od dana pravosnažnosti presude, zbog učinjenja krivičnog djela „Udruživanje radi počinjenja krivičnih djela“ iz člana 334. stav (1) Krivičnog zakona Brčko distrikta BiH, produženog krivičnog djela „Porezna utaja“ iz člana 267. stav (2) i krivičnog djela „Podnošenje lažne poreske prijave“ iz člana 270. istog zakona.

Melis Hamustafić (45)* iz Lukavca i Erdin Plavšić (48)* iz Tuzle osuđeni su na kaznu zatvora od po 2 (dva) mjeseca zbog izvršenja krivičnog djela „Udruživanje radi počinjenja krivičnih djela“ iz člana 334. stav 1 Krivičnog zakona Brčko distrikta BiH.

Pravno lice „KÖNIG“ d.o.o. Brčko distrikt BiH oglašeno je odgovornim za izvršenje produženog krivičnog djela „Porezna utaja“ i krivičnog djela „Podnošenje lažne poreske prijave“, pa je osuđeno na jedinstvenu novčanu kaznu u iznosu od 35.000,00 KM koju je dužano platiti u roku od 30 dana od dana pravosnažnosti presude. Pored navedenog, sud je izrekom presude od ovog pravnog lica oduzeo imovinsku korist pribavljenu krivičnim djelom u iznosu od 137.779,42 KM.

Podsjetimo, Tužilaštvo Brčko distrikta BiH je u decembru 2025. godine nakon provedene obimne istrage podiglo optužnicu protiv navedenih lica zbog postojanja osnovane sumnje da su u periodu od 2018. do 2022. godine uspostavili sistema dvojnog knjigovodstva tako što za prodaju robe putem interneta nisu izdavali fiskalne račune već su naknadno vršili razduživanje robe kroz fiktivnu maloprodaju čime su stvorili razliku između iskazanog i stvarnog stanja ostvarenih prihoda. Podnošenjem lažnih poreskih prijava za pravno lice „KÖNIG“ d.o.o. Brčko distrikt BiH i iskazivanjem netačnih podataka o iznosu oporezive dobiti za 2019., 2020., 2021. i 2022. godinu, ostavili su protivpravnu imovinsku korist u iznosu od 137.779,42 KM.

Nakon potvrđivanja optužnice, sva prethodno navedena lica priznala su krivicu i zaključila sporazum o priznanju krivice, pa je Osnovni sud Brčko distrikta BiH cijeneći da su predložene kazne zatvora i novčane kazne srazmjerne težini počinjenih krivičnih djela, nastalim posledicama i ličnosti optuženih lica donio presudu kako je navedeno.

**VRŠILAC DUŽNOSTI GLAVNOG TUŽIOCA
VLADIMIR TEPAVČEVIĆ**